

- 142 Այլ արդ Գրիգոր նոր Պատրիարգ
 Որ ձօնեալ էր յար Սարգսի յարգ
 Ոչ պատուիրեալ նրմա նոր կարգ
 Թոյլ տայր նրստել յիւր նախկին յարկ :
- 43 Ձոր եւ պատուեալ սիրէր յաւէտ ,
 Կոչեալ ըզնա հայր , վարդապետ ,
 Որում առնէր զօճան եւ պետ ,
 Ձի գիտէր թէ չէրն այր անպէտ :
- 144 Իսկ յետ իբրու միոյ տարւոյ
 Հայ երիցունք Ղալաթիոյ
 Սարգսի բանից ոչ եւս հաճոյ
 Գարան գործեն նրմա յետոյ :
- 145 Ձի Սարգիս միշտ ի քարոզին
 Ընդ այլ խրատուց ասէր Ազգին ,
 Խոստովանիլ նոյն Տէրաւերին ,
 Որ է գիտուն նրբազնին :
- 146 Առ այս բերէր իսկ օրինակ ,
 Թէ անփոյթ է եւ անգիտակ ,
 Որ առ բրժիշկ^օ հերքեալ զօգիտակ՝
 Ընտրէ զանվարժն եւ զանտեղեակ :
- 147 Ապա որչափ է աններհուն ,
 Որ վասն հիւանդ , խոցեալ հոգւոյն
 Մերժեալ ըզն^օնամ քաւչի ներհուն՝
 Անփորձ բուժչի հաճի դեղոյն :
- 148 Եւ զի յոգունք այնց երիցանց
 Անկիրթ , անհաս էին գրբեանց ,
 Ազգն ըսկըսէր հեռանալ յայնց ,
 Ուստի վըրէժ նոցուն փայլեաց :